

紀文達公遺集

第二函
下
正十一冊

紀文達公遺集卷第一

孫樹馨編校

御覽詩

恭和

御製雨元韻

甘澤欣沾沃清和及上旬流雲低

鳳闕細雨羃龍津煙縷全如畫荷珠儼似真緩隨銀漏
箭急訝水車輪芳潤宜初夏輕寒接晚春山禽催麥熟
試聽弄晴頻

恭和

御製固爾札廟火用唐韓愈陸渾山火和皇甫湜韻並
效其體元韻

山河兩戒開胚渾氏羌西阻星宿源三十六國初併吞
荒臺猶自遼帝軒漢唐而後劫且燔每乘月滿窺五原
皇帝大德彌乾坤梯航琛幣通無垠彼昏獨不歎塞垣
我師昨歲出玉門寒霜忽照扶桑暎三千犀手臂如援
駕梁俯叱鼉與鼃彎弧仰落雲中鵠鐵山蹴碎昆彌奔
方其先世竊自尊黃金布給孤獨園四西勒圖醜類繁
多羅貝葉梵唄喧唱和雜遝如篋塤微言詎辨風與旛
局促真似蝨處禪所見不過尻兩臀聞我師至叩我轅

焚迷迭香迎橐韃初如馴鹿隨朱轡反覆忽似風中帟
帝震怒不羞其膳赤虬遣下煙焰屯火鞭摧拉孟蘭盆
獻花不賸瓶與罇冥冥杳杳如有言懲爾助逆雲雨翻
業重不得邀平反善神旁睨睨兩暖贊歎佛方淨六根
昔佛心印傳法孫俾參妙諦窮肘跟爾胡狡黠辜佛恩
奇鷁寧免隕厥元菩薩千手猶難援婆羅門技何足論
試看祝融下九閭剎那祆廟焦土痕焚巢實以禡汝魂
寧不自悔心煩冤彼貳負臣今雖存不過狼狽求盤飧
無弋那得劓女婚大宛況非厥弟昆枯林肯讓寒鴟蹲
羽毛摧頽難飛騫卽擒妖鳥雪衆怨安能變化如鵬鯤

不信但望西崑崙旄頭墮地光昏昏古云不戢終自焚
片言居要無須煩蕃雛清夜心自捫

恭和

御製蕃劍行元韻

蛟龍不肯居宓塘會乘雷電騰精芒寶劍誤落黠寇手
時來終得歸

尚方憶昔潢池頻盜弄人人擬剗妖螫腸骨騰肉飛不
可制兩臂欲挽千斤強封狼貙况共穴二豎相濟如
鴈行是以憑陵肆搏噬黃支島弋無人當時移勢易雄
虺隕殄除凶逆天之常此劍流傳不敢用貢之

天子言其詳天馬東來歷無皐流沙積石道路長楛矢
旣入周益盛湛盧所去吳斯亡開匣三尺淨如水爛然
虎氣輝

紫閭始知神物思利見通靈之質不久藏通靈之質不
久藏行見白環玉琯八貢未渠央

恭和

御製秋日奉

皇太后幸口外行圍啓蹕之作元韻

遊豫

親承

聖母歡桂花時節半暄寒黃雲一片連

長樂遙護

霓旌過北安

礫磳秋場處處逢六軍嚴肅不妨農
豳風一幅誰能畫
雨歇煙嵐潑翠濃

旌門歲歲到要荒
饕獸頒禽禮數詳
看取
軒轅親教戰風雲
八陣總堂皇

恭和

御製懷柔縣元韻

山城瞻

玉輿巡省歷蓬廬鷗髻雙峯抱

龍旗兩翼舒彈汗尋古堞白霄召酋渠遙感懷柔意名

王正歧予

是日召見
蒙古諸台吉

恭和

御製遙亭行宮對雨三首元韻

行殿三更雨郊原八月秋風聲寒乍急雲氣曉初收野
戍荒煙濕懸崖響瀑流洗兵知有兆露布出邊郵

乍喜行塵淨何虞馬力煩隨車如有意灑道豈虛言新

霽猶含潤微涼稍帶暄明朝陪豹尾安穩上天門

南天門在

北遙亭

續文選公遺集卷一
四
瑤窻馳遠眺珠箔卷秋煙暝色千峯濕寒炊萬竈然露
華初點筆雲葉欲裁箋應是催詩雨廉纖送玉鞭

恭和

御製出古北口詠古元韻

翠輦臨邊塞檀州有故關南來通一綫北顧見羣山連
弩思前代偏槍近此間飛猱行尚怯高鳥度應艱蘇轍
題詩出王曾奉使還何如

今一統秋晚戍樓閒

恭和

御製至避暑山莊卽事元韻

黃繖亭亭初

駐蹕碧城隱隱宛遊仙
寒山影裏開

天闕流水聲中敞

御筵玳押珠簾旁
掩映紅橋翠渚一沿緣
菊花恰值重

陽閨好待

君王大獵旋

恭和

御製晚荷元韻

天然清韻出羣芳
晚放猶餘冉冉香
秋露如珠瑩妙相
寒塘似鏡映仙裝
山中桂樹同留月
木末芙蓉共拒霜

豈是蓮心偏耐冷

恩波只有

御溝長

恭和

御製熱河啓蹕之作元韻

武列河頭鴈過時
句陳羽衛啓通遼
紅飄霜葉楓千樹
綠繞寒澌水一涯
蹀躞花驄隨

日馭玲瓏芝蓋散
雲旌如聞蕃落諸
渠長會獵長楊到
恐遲

恭和

御製山店元韻

秋山澹沱畫難成
卜築誰人此力耕
茅屋幾家藏碧樹
疎籬一帶露紅荆
迎

鑾從未勞供頓近
塞何曾識戰征
久在幽風圖裏住
庶民均有獻猗情

恭和

御製朝嵐元韻

朝來爽氣對西山
此語流傳已久矣
但驚蒼翠襲衣襟
誰辨煙嵐何處起
豈知橐籥息相吹
月窟天根機在此
高山大澤氣潛通

皇心妙契先天理碧綠青黃皆會心淺見烏能窺所以
側峯橫嶺看茫然小臣如入廬山裏

恭和

御製都爾伯特台吉伯什阿噶什來覲封爲親王詩以

紀事元韻

慕化弟兼兄臨風欲請纓人情知順逆

天意鑒精誠斧鑕誰先伏冠裳爾最榮傳言諸部落珍
重寸心盟

恭和

御製入崖口元韻

谷量牛馬自成陟崖口羣蕃迓

鳳輿前代何曾通捺鉢諸侯今此會文間黃雲白草雙
峯外寒露西風九月初巖壑頻年邀

睿藻山靈望

幸亦僖子

恭和

御製雨獵元韻

秋山龍從氣佳哉山嵐蒸潤山雨來珍珠迸灑風倒捲
彎弓依舊趁雉媒駉駉騁騰不止挾雨蛟龍差可擬
驚弦響雜霹靂鳴激矢燿隨飛電起斗然巧中呼聲喜

雨血風毛一彈指旌旗雖濕步伐齊軍政從知無懈弛
文侯遇雨罷虞人節制焉知能若此

恭和

御製九月朔日元韻

講武應金天龍塞寒雲迴鯉魚風乍來木落空山靜秋
高邊馬壯奮迅乘霜景馳騁詎爲勞過蒙

宸慮省未從

屬車塵微懷方耿耿

恭和

御製霜元韻

風高寒露結塞北曉霜時昨夜丹楓醉先期白鴈知微
微分月色薄薄散冰絲蕭瑟秋山景居然畫裏披

恭和

御製行圍卽事元韻

長林豐草射生來石逕清無半點埃冀馬於今皆逸足
燕犀自古是良材行分鵝鸛雙旌動氣逐風雲萬里開
聖主臨邊軍令肅無譁不用更銜枚

獵獵風聲大漠秋高原塞馬力初遒旌旗影帶寒雲捲
組練光含曉日浮霜隼盤空爭搏擊天狼避箭敢遲留
中黃奮欲摧彫虎荷戟深巖更一搜

雲罕天弧歲歲張儒生何用戒垂堂諸蕃震疊星從斗
七萃森嚴網在綱蹴踏崑崙猶奮迅鞭笞頡利只尋常
銘勲尚薄岐陽鼓遮莫區區侈馬揚

恭和

御製九日侍

皇太后宴並賜內外王公諸臣食卽席得句元韻

帳殿崔嵬曉氣澄重陽不數宴孫陵花開松幙圍黃纈
香佩萸囊製綵綾五色

安輿雲對捧萬年仙酒露新承題糕勝事龍沙北自古
登高到未曾